

欽定中樞政考

欽定中樞政考目錄卷之十九

綠營

營伍

查閱營伍之年官員不准告病乞休

分年查閱營伍

提督巡查營伍

提鎮帶兵圍獵

川楚陝三省提鎮會哨

江南山東等省交界營汛會哨

巡查營汛

汛弁怠玩營汛

旗員不得沾染綠營積習

綠營旗員弓馬生疎勒令回旗

稽查營弁技藝

營員弓馬生疎

城守塘汛慎選兵丁駐紮

廢弛營伍

訓練兵丁技藝

營兵謀變

營兵隨同叛逆

弁兵生事擾民

汛弁擅責竊賊

誣良爲盜爲竊

營兵爲盜爲竊

營兵窩盜窩竊

兵丁犯命案

營兵講習紀律

行軍紀律條款

訓練兵丁

出征官兵攜帶良民子女及逆犯家屬

出兵出差人等典買良人

出征兵丁生事擾民

出征兵丁犯命案

邊隘調防兵丁滋事

虛懸城守汛地

駐劄規避

軍營逃兵統兵大員限三個月彙報一次送部

軍營兵丁受傷患病落後領兵官員免議

軍營兵丁脫逃

軍營漏報逃兵

軍營逃兵潛匿地方

營兵私逃

擅帶營兵

火器火藥嚴禁租賃

金匱要略卷之十一  
失察兵丁偷賣火藥器械

副將以下等官接任交代軍器

各省礮位收貯不慎

軍器缺額

綠營委員盤查軍器

各省戰哨船隻

各省存貯火藥缺額霉黠

巡捕五營操演烏鎗

各省烏鎗弓箭兵丁操演中靶不及分數處

另

兵丁中靶不及分數總兵自行查出免議

各省演習雲梯

各省兵丁兼習長矛額數

官兵箭枝數目

各省兵冊分晰造報

屯田兵丁裁撥操演

閩省操演兵丁



查閱營伍之年官員不准告病乞休

嘉慶八年三月內奉

上諭惠齡奏本年奉旨查閱陝甘營伍事宜自入春以來甘省各營將備紛紛呈請告病乞休殊涉規避現經咨會署提督蘇寧阿就近查明分別叅革治罪等語向來軍政之年不准告病原以杜武員規避之漸其奉旨查閱營伍年分事關考覈卽與軍政無異該營員如果自揣老病何不及早呈明必待臨時始行具報其戀棧規避情節顯然若不明定章程無以整

肅我政所有此次甘肅省告病乞休各員著卽照該  
督所奏交署提督蘇寧阿就近調驗分別懲辦不可  
稍有瞻顧嗣後各省凡遇奉旨查閱營伍之年均著  
照舉行軍政之例不准告病乞休違者照例叅辦著  
爲令欽此

一各省武職現在副將以下外委以上各官如  
遇查閱營伍之年不准告病乞休以杜規避  
如有告病乞休者卽勒令休致若告病乞休  
係在

差大臣查閱之後者仍准其告病乞休

分年查閱營伍

一各省營伍分年差派大臣前往查閱直隸山西陝西甘肅四川五省分爲一年湖北湖南雲南貴州四省分爲一年廣東廣西浙江福建四省分爲一年山東河南江蘇安徽江西五省分爲一年週而復始如遇應查直隸等省之年直隸山西差派一員陝西四川差派一員甘肅差派一員應查湖北等省之年湖北湖南差派一員雲南貴州差派一員應查

廣東等省之年廣東廣西差派一員浙江福建差派一員應查山東等省之年山東河南差派一員江蘇安徽江西差派一員兵部於每年開印後將應行查閱之省分具奏請旨併將領侍衛內大臣滿洲大學士都統尚書侍郎各職名開列進

呈或

欽點大臣前往或卽令該省總督巡撫就近查閱恭候

欽定如各省官兵遇有調赴軍營一時未能撤回者  
卽於摺內聲明將何省暫停查閱其存營官  
兵仍令督撫提鎮不時稽察如有廢弛卽行  
叅奏

一遇

欽差大臣巡察之年該省總督巡撫提督總兵停其  
查閱至奉

旨令該省總督巡撫就近查閱者除山東山西河南  
三省巡撫遵

旨查閱外其現有總督省分卽歸總督辦理或總督不能與巡撫同駐一城如廣西貴州湖南陝西浙江江西等省相距寫遠一時難於徧歷者隨時酌量會商具奏請

旨恭候

欽定至各省輪應巡查之年經

欽派總督巡撫大臣查出兵丁技藝生疎廢弛營伍者將提督總兵照例議處如係總督巡撫本標所轄者將該總督巡撫交吏部議處提督

總兵本標所轄將備如有年力衰頹弓馬不堪之員經總督巡撫大臣查出之時叅劾者將不豫行揭報之提督總兵按照屬員降革勒休分別議處

例載處分別  
例營伍門

一總督巡撫提督總兵按年輪巡自行查閱營伍如有干把等官年力衰頹弓馬不堪經總督巡撫提督總兵查出叅劾者將不豫行揭報之該管上司亦按照該屬員降革勒休分別議處

例載處分別  
例營伍門



提督巡查營伍

一各省提督於所屬營伍除地方不甚遼濶可  
以一二年巡查一次者仍照舊辦理外至地  
方遼濶者仍於三年內輪巡一次

提鎮帶兵圍獵

乾隆十六年十月內奉

上諭四川提督岳鍾琪奏稱向來直省督撫提鎮均有  
行圍之例擬於冬三月內農事已畢之時查照往例  
於成都附郭不近田園之地帶領官兵前往圍獵往  
返數日親加訓練等語直省營心操演武藝不過拘  
泥成法於安營住宿之道馳騁奔走之勞無從肄習  
於行陣未有實濟惟行圍可使將弁士卒練習勤勞  
岳鍾琪所奏甚爲有益著通行各省陸路提鎮仍照

舊例每歲冬季輪派標兵親身督率實力舉行務使  
嫻熟嚴整以裨實用但既令出圍之時酌量停止操演日期  
兵丁未免過累著於行圍之時酌量停止操演日期  
以示體恤並嚴加約束不得蹂踐田園占宿廬舍致  
滋騷擾並不可日久復致廢格該部卽遵諭行欽此

川楚陝三省提鎮會哨

嘉慶十五年五月內奉

上諭前因嘉慶七年剿辦邪匪大功告成經額勒登保等奏川楚陝三省深山老林路徑分歧酌議每年總兵會哨二次提督會哨一次三年之後地方日臻寧謐卽行停止當經降旨以所議會哨之例於三年後不必停止或隔一年一行或隔二年一行認真巡緝今已逾數年雖各營有巡閱舊章但恐視為具文奉行政事嗣後川楚陝三省每年輪派一省提鎮著於

邊界編應周查既可巡閱營伍又可藉資彈壓每巡  
哨一次卽行具奏該提鎮等惟當隨時隨地督率稽  
查不可有名無實欽此

江南山東等省交界營汛會哨

道光二年四月內奉

諭孫玉庭等奏查明三省交界營汛酌定會哨章程一摺江南徐海二屬與山東河南壤地相接奸宄最易潛蹤自應會哨巡防俾聲勢足資聯絡據該督撫查明具奏著照所請嗣後山東曹兗兩鎮所轄及河標各營汛與江南徐海等屬營汛連界地方均著於每年春秋二季酌令各該營將領選帶弁兵在兩省交界適中處所定期會哨一次仍

飭連界各專管汛弁一月會哨一次互換印巡  
報該上司查考其河南歸德營叅將所屬分  
邑等汛與徐鎮所轄蕭宿二營及亳州營都司分  
防連界各汛地亦著於每年春秋二季令各該營  
都司酌帶弁兵與歸德營將領定期在兩省交界  
適中處所會哨一次接壤各汛弁亦一月會巡一  
次換照結報其豫東連界各營俱著一體照辦並  
責成各該鎮營密加查察如有不親往哨巡僅以  
空文差互互換塞責者查出卽指名嚴叅倘該鎮

知情徇隱著各該督撫一併叅處其直隸大名鎮  
所轄各營汛與山東曹濮及河南開封等營汛接  
壤之處著直隸總督於適中地方令都司守備按  
春秋二季定期會哨專汛員弁按月哨巡以昭嚴  
密該督撫既經會定章程務各嚴飭所屬認真實  
力巡防總期行之久遠不可稍形懈怠以致有名  
無實視爲具文也欽此



巡查營汛

一提督總兵巡查所屬營汛隨帶親標兵丁一  
二十名俱令攜帶帳房鑪鍋下營駐劄不得  
擅取民夫及收受各營供應儻藉端擾累或  
勒令屬員供應者照例議處該總督提督徇  
庇不行糾叅或失於查出者提督照例分別  
議處總督交吏部覈議自行查出題叅者免

議

例載處分則  
例營伍門

一提督總兵巡查營汛如所帶兵丁內有擾累

地方不能覺察者照例議處

例載處分則  
例營伍門

一總兵巡查營汛其兵丁騎射優嫻軍裝器械  
齊整者出結申送該總督提督覈轉報部如  
結報失實將總兵與未經詳查率行覈轉之  
提督分別議處總督交吏部覈議其提督所  
轄營汛不屬總兵管轄者該提督自行巡查  
如結報不實卽照總兵例處分

例載處分則  
例營伍門

一提督總兵駐劄處所離所屬營汛寫遠不能

親身巡閱者委附近營汛之副將叅將等官

查閱如有擾累地方及查報失實者將該委  
員俱照例處分如提督總兵等官徇庇不行  
糾參或未能查出及奉行蕩轉者亦照例分

別議處

例載處分則  
例營伍門

總弁怠玩營汛

直省設有防兵地方專汛千總把總外委

官隨時整飭統轄之副將叅將遊擊兼轄之

都司守備等官仍每季巡查一次儻汛弁整

伍廢弛統轄兼轄各官未能查出揭報別經

該上司查叅將汛弁及未經揭叅之兼轄統

轄官均照例分別議處

例載處分則  
例營伍門

儻巡查

員弁藉端需索該總督巡撫提督總兵卽行

據實糾叅將藉端需索之員革職計贓治罪

旗員不得沾染綠營積習

乾隆三十七年八月內奉

上諭旗員補用綠營原以滿洲風俗淳樸技藝優嫻將

伊等錄用自能爲綠營表率以挽漢人習氣而外任

所得養廉較多伊等所得旣多亦於生計有益此朕

教養滿洲奴僕之至意也伊等到任後理宜謹守滿

洲舊習以技藝爲要多方教導毋染漢人習氣不行

糜費守分安常卽至回京時儘可度日乃竟有在外

任全忘滿洲舊習反染漢人習氣凡事尚華不知遵

次定中區改考

卷十九

營伍

六

節任意浮靡又甚至買妾置婢彼此效尤若年老無嗣置妾尚可無故爲身體安逸倣效而行此何理耶殊不知朕愛養滿洲奴僕之意著交八旗大臣通行曉諭所管應陞外省之侍衛章京官員等嗣後凡補放綠營人等到任後須謹守滿洲淳樸之舊習操演技藝毋致浮華糜費之惡習以作綠營人等之表率如不知悛改仍似此者一經查出定行從重治罪著交各省總督提督巡撫等除嚴行曉諭各員外留心細查如有故違者卽據實叅奏毋得姑息欽此

綠營旗員弓馬生疎勒令回旗

乾隆三十九年十一月內奉

上諭據周元理奏查閱營伍情形摺內稱遵化營遊擊  
佛爾清額墻子路都司福英馬箭均欠純熟勒限半  
年學習再行考驗等語所辦非是旗員簡用外任原  
因綠營弓馬平常令其表率俾有所觀法咸成勁旅  
該員等自當感激朕恩益加奮勉身先倡率訓練兵  
丁學習弓馬方爲無忝委任若徒虛糜廉俸貪逸養  
安其於滿洲體面盡失尚何足爲綠營標準乎今佛

爾清額福英馬箭均未純熟致被周元理看出則其  
生疎不堪可知卽不稱將領之任至緣營勒限半年  
學習舊例在庸懦漢員偶一引用其知耻者尚當赧  
顏况滿洲弓馬本所嫻習初用時皆經朕引見發往  
何以甫至外任卽盡行荒廢轉欲援緣營漢員之例  
學習稍有人心者尚不知羞惡若此耶昨因直隸副  
將瑪爾清阿遊擊武靈阿赴東省協剿賊匪頗能奮  
勉出力不愧滿洲勇敢之風當卽加恩陞擢用爲總  
兵叅將若佛爾清額福英之弓馬生疎豈可復爲姑



佛爾清額福英俱著卽解任回京該部帶領引見  
再降諭旨嗣後各省綠營旗員如有弓馬生疎廢弛  
營伍者均著照此例辦理不得復爲姑容將此通行  
傳諭知之欽此

稽查營弁技藝

乾隆五十九年六月內奉

諭據彭承堯奏巡閱通省營伍關隘情形一摺所辦俱屬認真至摺內稱千總把總外委等弁騎射生疎咨部斥革又叅將胡松阿遊擊阿爾朋阿都司齊冠東俱衰老不能騎射咨會督臣題叅請旨勒休等語粵西爲邊疆要地所有該處營伍自宜勤加訓練隨時整飭千總把總等官雖係微末已不當於騎射生疎之人任聽滯坐至叅將遊擊都司爲營伍中表率

而旗員更不應聽其戀棧尤應留心考覈如有精力  
衰憊弓馬平常者自當卽時叅劾毋令貽誤營伍今  
提督彭承堯甫經到任所奏叅革各員除千總外委  
外竟有叅將遊擊都司等員均因衰老患病不能騎  
射而胡松阿及阿爾朋阿俱身係旗人更不應任其  
衰病貽誤可見該省營伍廢弛已非一日各省營伍  
事務總督提督俱有統轄之責似此大小營弁技藝  
生疎皆由總督提督平時因循積玩所致前任署督  
郭世勲業已病故姑免置議提督梁朝桂現已調任

湖廣而從前粵西任內不能整頓營伍咎責非輕  
朝廷著交部嚴加議處以爲廢弛者戒欽此

營員弓馬生疎

一綠營將備有不練習弓馬以致生疎經該管

大臣上司等揭參送部者照例議處

例載處分則例

考劾門

城守塘汛慎選兵丁駐紮

嘉慶二十三年七月內奉

諭御史喻士藩奏直省城守塘汛營伍廢弛請嚴飭操防一摺直省各府縣城守塘汛原所以詰奸宄而安良善必先募選兵丁足額該管將儲勁加訓練俾兵丁等技藝精強方於巡哨有裨近來各省塘汛屋宇傾圯兵額短缺卽有在汛應差者亦多罷軟無能遇有匪徒經過退縮不前安能望其擒拏盜賊保護行旅著通諭各省督撫提鎮認真整頓平時董率所

屬慎選兵丁常川操練其塘汛緊要地方擇兵丁中  
技藝精強者駐守巡緝如有疎防懈弛等弊據實參  
處務令守望相資以收戢暴安良之效欽此

廢弛營伍

一武職各官傲慢託病規避及擅離汛守者照例議處若所管兵丁技藝生疎軍裝器械不能整齊營伍廢弛該總督巡撫提督總兵於題叅本內將該員任事年月分晰聲明按計到任年月分別議處如在三月以下者暫行免議以觀後效仍令督撫提鎮不時查看如不能振作卽行題叅至所屬營伍廢弛而兼轄統轄官明知姑容或失於查察不豫行揭



叅者照例分別覈議

例載處分則  
例營伍門

如兼統各

官到任在三月以下者不能查出亦免其失

察處分

訓練兵丁技藝

乾隆五十一年六月內奉

上諭據雅德奏查閱汀州鎮標三營兵丁技藝生疎緣該鎮武隆阿在任七年春秋兩季各就本營閱兵一次平時並不留心督察巡歷以致將備相習成風各圖安逸全不以訓練兵丁爲事請旨將總兵武隆阿遊擊張啟林六十三彭朝龍守備甘朝綱王三黑孔彪一併革職以昭炯戒等語總兵爲專閫大員訓練兵丁是其專責武隆阿在任七年閱時不爲不久而

於馬步陣式鎗兵演放並不留心督察以致發響生疎毫無紀律實爲辜負職守且武隆阿身係旗員經朕擢用總兵尤宜實心訓練總兵除操兵之外又無地方之責乃竟自耽安逸貽誤全營遊擊張啟林等相習因循竟無一人稍能振作若不嚴行懲治何以厲軍紀而肅戎行總兵武隆阿遊擊張啟林六十三彭朝龍俱著革職拏交刑部治罪其守備以下甘朝綱等各員亦著革職此等微末武弁不值交部治罪卽著該督撫照營規細打以示懲儆至該鎮三營遊

守六員既全行革職若候部選人員到彼人地未免  
生疎且恐稽延時日亦著照該督所請分別揀補遺  
缺再行歸選以重職守又該督另奏酌定總兵考覈  
官兵以收實效一併著交部議行欽此

營兵譟變

一各省如有地方官員給餉稽遲營弁侵扣暴虐以致兵譟提督總兵該管中軍各官查明是否本標營兵丁譟變及錢糧是否係由中軍承理照例分別覈議至提督總兵徇隱不行揭叅及揭叅不以實或營兵譟變該管各官隨同附和或該管各官不據實呈明巧飾具報或營弁唆使兵丁鼓譟或兵丁鼓譟畏罪脫逃者各照例分別議處

例載處分則  
例營伍門

營中如有給餉不足等弊許各兵赴總督巡撫提督總兵告理若因具告不准赴部告理者連人併狀移咨該總督等察審若未經赴總督等衙門控告赴部越訴者概不准行若不行告理擅自聚譁者將倡亂兵丁正法若該管官員已故之後營兵借言苛刻伊等嚇詐者亦將爲首之人正法

營兵隨同叛逆

一叛逆案內如審有在營兵丁隨同附和者將失察之同城該管各官及不同城之兼轄統轄提督總兵各照例議處

例當處分則例營伍門

弁兵生事擾民

一該汛武弁生事擾害百姓責打民人將該弁及兼轄統轄總兵提督分別已致死未致死嚴議若並未生事擾害偶因細故責打百姓者將該弁及兼轄統轄照例議處

例載處分則例營伍

門

一武職專汛官私役兵丁差遣同籍及令他處貿易以致兵丁在所住地方生事擾民或並未生事擾民專管兼統各官照例議處

例載處分



則例營

伍門

一營兵在該管汛地滋事酗酒尋釁鬪毆擾害  
百姓將失察之專管兼統總兵各官議處若  
恃強欺壓夥同營兵助毆傷人失察之專管  
兼統總兵各官分別已致死未致死覈議若  
執持軍器及烏鎗金刃傷人失察之專管兼  
統總兵並提督均分別已致死未致死議處  
例載處分則  
例營伍門如有縱容等情將縱容之員叅  
革提問

汛弁擅責竊賊

一營汛武弁拏獲竊賊並不移送有司審理擅

自責打致死者將該弁及失察之兼轄統轄

官分別公私議處

例載處分則  
創營伍門

誣良爲盜爲竊

一武職該管兵役人等誣拏良民指爲盜賊私用非刑害人者別經發覺將失察之該管兼轄統轄及總兵提督分別已致死未致死照例議處上司各官查出揭參者免議該管官自行訪獲究出已致死者議處未致死者免

議

例載處分則  
例營伍門

一武職失察兵役人等誣良爲竊私用非刑將該管兼轄統轄及總兵提督分別已致死未

致死照例議處上司查出揭報者免議該管

官自行訪獲究出已致死者議處未致死者

免議

例載處分則  
例營伍門

一兵丁誣竊爲盜及將會經犯竊之人指爲現

在躡緝之強竊盜犯拷逼教供將失察之該

管官分別已致死未致死覈議如自行查出

已致死者議處未致死者免議

例載處分則  
例營伍門

營兵爲盜爲竊

一營兵爲盜專管官兼轄統轄及提督總兵處

別同城同營及不同城百里內外照例議處

創裁處分則如係專管官自行查拏究辦者

創營伍門均免議若兵丁爲盜諱飾不報別經發覺倒

提年月開除名糧或捏作平民呈報者專管

官叅革提問

一營兵犯竊者有司審確卽移回本營該管官

細打插箭遊營再送有司收管照例發落將

約束不嚴之專管兼轄統轄各官照例分別  
議處如係專管官自行查拏究辦者均免議  
若將兵丁爲竊之案諱飾不報或既經發覺  
倒提年月開除名糧或捏作平民呈報者將  
專管官分別覈議

例載處分則  
例營伍門

一貼防兵丁爲盜者將被劫地方專汛兼轄統

轄各官及領兵貼防官各照例分別議處貼

防駐劄之兼轄統轄提督總兵分別同城不

同城百里內外照例覈議

例載處分則  
例營伍門

如係

領兵貼防官自行查拏究辦者均免議若兵丁爲盜諱飾不報別經發覺例提年月開除名糧或捏作平民呈報者將貼防官叅革提問

一就撫人丁情願爲民者聽其爲民情願爲兵者該管官保留爲兵若有爲兵之人復行爲盜爲竊將該管兼統各官照營兵爲盜爲竊例議處

一各營汛弁及隨營効力人員如有勾通賊匪

行刦及叅盜受賊者卽與爲盜無異一經發  
覺將該管兼轄統轄等官均照貼防兵丁爲  
盜例分別議處若係提鎮標下人員將該提  
督總兵照該管官議處

例載處分則  
例營伍門



營兵窩盜窩竊

一營兵窩隱盜賊及聚盜受賊漏信脫逃者失

察之專管官及兼轄統轄各官均照例分別

議處

例載處分則  
例營伍門

如該管各官明知徇縱不

行查究者叅革治罪兼統各官照諱盜例分

別議處

例載處分則  
例緝捕門

營兵窩竊受賊者該管

兼轄統轄各官照例覈議

例載處分則  
例營伍門

如該

管官自行查拏究辦者均免議若兵丁窩盜

受賊等事月日在該管各官因公他出之前

事發於公出之後亦照例議處其竊盜受贓  
等事月日在該管官公出之後事發於未回  
之前者俱免議

兵丁犯命案

在營食糧兵丁犯命案事件專汛官卽能拏送有司審理或不能卽時拏送以致兇犯脫逃者將專汛官分別覈議逃兵令接署接任官協同文職限一年緝拏限滿不獲議處

例載

處分則例緝逃門

其兵丁於未經犯事之先革退名

糧編入里甲有案者聽地方文職緝拏武職免其協緝如別營兵丁犯命案脫逃鄰境員弁有能拏獲者每名紀錄一次

營兵講習紀律

乾隆四十九年七月內奉

上諭前因甘省勦捕逆同時緣營官兵於馬家堡打仗  
因軍裝火器被雨潮濕俟烘烤完妥再爲前進並有  
懦怯退縮者當經降旨通飭各督撫務宜隨時加意  
整頓今逆回之事雖完但思整肅營伍固在督撫提  
鎮之實心督飭而平時操演講習更在將弁之而爲  
指導兵丁之明曉軍律國家累洽重熙承平無事兵  
可百年不用不可一日無備與其臨時告誡不若先

事請求著軍機大臣會同該部將行軍紀律擇其緊要數件務須簡切明當使兵丁人人知曉盡成勁旅以示朕整飭戎行之至意欽此

行軍紀律條款

一兵丁隨征勦賊俱應奮勇直前其見賊退走者不過名惜身命心懷畏怯試思臨陣退走律應斬首示衆若能殺賊立功必蒙陞賞卽或陣亡

國家自有卹典子孫俱得邀恩兵丁等與其臨陣畏葸難逃

國法何如爭先殺賊奮不顧身况勇往向前未必卽死一經退後斷不得生此理甚明該管將

備等平時將此諄切告誡務令兵丁等咸知  
大義臨陣時自必勇氣百倍可期殺賊立功  
一烏鎗弓箭最爲行軍利器若兵丁等臨陣時  
尚未見賊遠將鎗箭施放及至交戰火藥箭  
枝俱已用完無以禦敵卽同束手待斃關繫  
甚重凡領兵將備平日務須時加講習令兵  
丁於臨陣遇賊鎗箭可及之處不先不後一  
齊施放庶鎗箭隨聲應手皆獲實用

一行軍攜帶軍裝火藥俱應在帳房收貯毋令

潮濕卽或途中遇雨亦須嚴密遮護庶遇賊  
緩急可用凡帶兵將備等須嚴加曉諭勿致  
潮濕或需烘烤以致臨時貽誤至弓箭鎗刀  
等項平時尤須修整堅利不得廢弛

一臨陣對敵倘遇將領受傷隨從兵丁更當奮  
勇直前竭力救護若兵不顧將各惜身命觀  
望退阻最爲惡習亟應申明軍紀俾衆知悉  
凡有將領受傷兵丁不卽時救護竟至潰散  
脫逃者立卽查明按名處斬其能奮勇保護



者立即議功優賞以示鼓勵該管將備等平  
日尤當愛恤士卒臨時賞罰公平庶兵將同  
心合力所向無敵

一兵丁對敵乘勝追趕刻不容遲若兵丁等有  
貪搶賊人遺棄財物以致賊衆逃遁貽誤不  
小該將備等於領兵臨陣時務須通行曉諭  
違者立即依律治罪庶兵丁等各知儆畏

一營卡最關緊要凡領兵將備等務須嚴飭坐  
卡兵丁輪班防守留心偵探毋得怠惰偷安

卽探察有事只須選派明幹一二人密行飛稟餘仍嚴整坐守毋許輕動無事時不許高聲叫喊致亂營規違者俱照軍法處治

一兵丁遇有調撥自當恪守軍令卽時遵行如敢騷擾地方欺壓良民蹂躪田禾搶掠財物等事卽應按律從重治罪該管將備等平日加意教誡臨時尤當嚴行約束無許違犯

一兵丁奮勇殺賊應予獎賞但恐兵丁等希圖冒功任意朦混不可不豫爲防範凡軍法將

卷之十一  
馬  
他人戰功冒爲己功及誑稱實在効力將無  
作有以輕報重者斬該管將備等應隨時曉  
諭親自稽查俾立功者得賞冒功者治罪以  
期覈實

一 行軍馬駝最宜愛惜凡兵丁等收放須揀擇  
水草平曠須按照時候遇有疲乏加意調養  
夜間尤宜小心看守遇有遺失須立時尋獲  
至所挖井泉不許穢污飲馬各挨次序毋許  
爭先以致壅塞如有違犯立即重懲不貸

一劄營後巡邏防守毋得疎懈夜間不許無故行走帳房內更要小心火燭遇有警報靜聽將令不得輕舉妄動若奉有密令須各自遵守毋得私相漏洩該領兵將備等尤宜申明號令隨時曉諭不得疎懈

訓練兵丁

嘉慶二十二年六月內奉

上諭巴哈布奏請飭各省營伍講習紀律一摺國家設立營伍訓練兵丁原應講明紀律俾各有勇知方若但演習技藝而於殺敵致果之義不能曉然於心一經親歷行陣或退縮不前卽平日技藝精良亦徒爲虛飾而鮮實用凡有將帥之責者平日教演兵丁則當明白曉諭以兵法有進無退臨陣退縮者國有常刑奮勇捐軀者卹及後裔况果敢直前成功者多而

傷夷者少若怯懦奔逃軍法殺無赦無一能苟免者是與其死於法何若死於敵死敵者百世流芳死法者罵名千古使兵丁習聞此言人人心中知大義則勇敢倍增節制之師自莫非干城之選矣至技藝亦必時加訓練近聞外省摺奏操演兵丁情形率舉春秋二操有云夏令兵丁多務農功恐妨其耕作者此言大謬古者寓兵於農是以三時務農一時講武今兵農判爲兩途取賦於農以贍兵卽藉兵人伍以衛民若仍以耕耨而誤差操豈非虛糜糧餉嗣後各將軍

督撫提鎮等務督率將弁將所轄兵丁常川練習不可稍有曠廢以肅軍紀而勵戎行將此通諭知之欽此

出征官兵攜帶良民子女及逆犯家屬

嘉慶十九年三月內奉

上諭前據文孚奏吉林黑龍江凱旋官兵攜帶幼孩出  
關請旨查辦當降旨交該將軍等查訊覈辦茲據富  
俊奏稱將各官兵攜帶幼孩提集訊問其幼孩四百  
八十八名幼女十七口男子八名內查有田金山一  
犯係逆犯田小七之子田米鳳親姪並據訊明田米  
鳳有二子長名元妞兒年十九歲次名拉妞兒年十  
二歲均不知下落現將田金山一犯照例緣坐其幼



孩王玉等九名均係良民子弟因在村外行走遇官兵過境攜回查俱有家可歸派員解送直隸河南交該親屬認領將攜帶王玉等之兵丁等按名重責其無家可歸者仍交該官兵妥爲收養等語所辦實屬認真王師除暴安良軍行首嚴紀律此次凱旋官兵黑龍江一處私攜男女幼孩已有五百餘名之多想他處似此者亦必不少除田金山一犯交刑部覈擬餘俱照該將軍所奏辦理外著通諭此次調派征兵各省之將軍督撫副都統提鎮等各向凱旋官兵逐

細詳查如攜帶幼孩內訊有逆犯家屬仍照例緣坐  
並將富俊訊出之逆犯田米鳳二子一並確查其實  
係良民有家可歸者卽解交各原籍親屬認領無家  
可歸者暫令收養如該親屬探知赴領卽行給還倘  
藉詞勒措准該親屬到官呈首將該官兵訊明治罪  
該將軍督撫等各於查明後先行據實覆奏其健銳  
火器二營前次查訊草率著該營將各官兵攜回幼  
孩再行傳齊交軍機大臣覆加訊問此內有無逆犯  
田米鳳二子一併查門具奏並著兵部將出征官兵

攜帶良民子女及逆犯家屬應如何分別治罪之處  
嚴定專條奏明通行頒示永遠遵行欽此又奉

上諭國家不得已而用兵所以戡除暴亂安定善良卽  
行師絕域亦止於斬馘擒渠尚當秋毫無犯以肅軍  
紀至於內地亂民原係獄吏捕治之事祇緣人數衆  
多不能不藉兵力以速殲除所謂大刑陳於原野期  
以當罪而已領兵將弁皆當深知此義約束士卒俾  
閭閻良善同登衽席方稱朕用兵衛民之意至克捷  
歲功之日逆匪家屬例應查明緣坐其被難民人無

依子女亦當由地方官撫恤收養若征兵凱撤之時  
任其紛紛攜帶在賊匪遺孽旣因此漏網而良民子  
女竟至遠離鄉土淪於婢僕此與俘獲何異甚非仰  
體朕惠鮮懷保之意也此次滑城用兵朕屢經申諭  
領兵各大員嚴飭該兵丁等毋許掠取財物而於攜  
帶子女一節實爲意計所不及朕先引咎自責那彥  
成等知愧與否清夜捫心目問可也若再不認真查  
辦罪愈重矣前據文孚奏到吉林黑龍江官兵有攜  
帶子女之事當經降旨查辦旋據管理火器健銳營

王大臣覆奏並未分晰辦理實屬因循草率無耻無能昨據富俊查明黑龍江官兵攜帶子女分別將逆犯親姪照例緣坐凡良民子女派員解交該親屬認領其無家可歸者暫交該官兵收養所辦甚屬認真因交軍機大臣傳齊火器健銳二營所帶子女覆加訊問其籍隸滑濬二縣者僅十八名其餘一百三名多係順德廣平彰德等府所屬訊係該官兵等於凱撤時沿途攜帶領兵各員漫無約束大屬非是本應將該官兵等治以應得之罪惟念此次軍務告成極

爲迅速其奮勇出力者吉林黑龍江官兵爲最大器  
健銳營官兵次之綠營兵又次之俱經著有勞績而  
撫帶子女一節又未經誠諭於先姑著從寬一概免  
其治罪管理火器健銳營王大臣先經奉旨查辦籲  
預具奏實屬草率因循怠玩文孚首先具奏富俊查  
辦認真俱著加一級現在查出各幼孩內劉喜兒等  
六名口伊父母均係不肯從賊致遭戕害實爲節義  
可憫劉喜兒等六名每名賞銀二兩著該地方官妥  
爲收養訪明的確親屬再爲給領其有父母兄弟伯

叔之四十名口每名賞銀一兩亦著各該地方官傳到親屬令該幼孩認明給領如所指親屬先已身故他往卽於該處養濟院收養長大聽其謀生俱交提督衙門順天府派委文武各二員解送各本籍地方官收領其無依幼孩七十五名口暫交該官兵等領回收養此與分給爲奴者不同不准作踐胡爲如子女撫養將來如有親屬來京尋認者卽報官給領毋許勒指至此次在京各大臣侍衛官員曾經派往軍營者如有攜帶子女及其家人等攜帶者亦免其治

罪俱著自行查明奏出交軍機大臣訊明分別賞罰如隱匿不報以違旨治罪並著吉林將軍等及此次調派征兵之各省將軍督撫副都統提鎮將該官兵攜帶子女俱詳細查明照此次章程分別辦理各自具摺具奏如辦理草率及因循怠玩者俱以違旨治罪昨降旨令兵部立定條例並著將攜帶良民子女及逆犯家屬如何分別治罪及領兵官如何議處一併詳議具奏頒示遵行欽此又奉

上諭前經降旨令兵部將官兵攜帶子女及逆犯家屬



欽定中樞政考

卷十九

兵

如何治罪之處酌定條例茲據兵部援引定律分別  
議具奏均著照所議行王師戢暴安良首嚴軍紀  
律載官兵擄掠人口若於已附地方擄掠者不分首  
從皆斬監候此指行師外域新附叛國者而言尚當  
恤其人民以示除暴施仁之意況內地編氓本吾赤  
子除亂逆者按法誅鋤外其被難流離男婦子女皆  
應急爲撫恤若官兵逼脅擄帶豈非自相擄掠耶所  
有此次攜帶幼孩各官兵均屬有干軍紀本應定擬  
大辟姑念伊等平日未諳法律帶兵大員亦未先申

集令是以概從寬宥著該部將定律同此次議准  
各條款卽行刊刻頒發京外滿漢各營一體遵照並  
著於操演日期逐條宣講設遇有徵訓尤當剴切曉  
諭俾官兵等恪遵紀律約束嚴明倘有肆意違犯者  
則軍法具在按律治罪不赦欽此

所有酌定條例俱  
詳載處分則例營

門伍

出兵出差人等典買民人

乾隆三十五年六月內欽奉

諭旨嗣後凡出兵出差人等由家隨往跟役內如有病  
故逃走必需使喚之人若在經過地方典買民人使  
喚者務令稟告各領隊大臣侍衛等詳察呈將軍大  
臣後再行典買如私自典買者永行禁止著爲令欽

此

議處各條詳載處  
分則例營伍門

出征兵丁生事擾民

一出征兵丁沿途生事不法擾害地方除將該兵革退治罪外其約束不服之專管官及該轄將領提督總兵各照例議處如係該營各官縱令生事者將縱令生事之員議處如該弁跟役生事不法擾害地方者將伊主及約束不嚴之該管官並兼轄將領提督總兵各照例議處如係該管各官縱令生事者將縱令

生事之員議處

例載處分則  
例營伍門

出征兵丁犯命案

一出征兵丁如在軍營行兇持刃殺傷人命者

該兵照軍法治罪外將帶兵之該管官及兼

轄將領領兵提督總兵等均照例議處

例載處分

則例營  
伍門

邊隘調防兵丁滋事

一各省邊隘調防兵丁原營將弁慎加選擇交於換防各員管束帶兵之員嚴加約束毋致生事擾害地方若在防守地方酗酒毆打平民或生事爲匪或持刃殺傷人命者將帶防之員及兼轄官分別議處儻該兵違例不遵約束經帶防官申稟總督巡撫駁回原營者將選擇不慎之原營該管兼轄各官照例議至由防所私行脫逃將帶防官及兼轄官

按名議處逃兵責令原營該管各官勒限緝  
拏百日限滿不獲將該管及兼轄官按名議

處

例載處分則  
例營伍門

虛懸城守汛地

凡城守汛地武職員弁因公事他出將城守營務汛務交與不應管轄之人及上司將城守汛地之官不輪流傳喚盡行傳去以致城汛空虛或並非緊要事件將遊擊都司守備千總把總等官違例差調詳委者將擅交之員並濫調之上司俱照例議處若上司差調屬員以致貽誤城守汛務者將濫調之上司議處

例載處分則

例營伍門

屬員免議如不因差調自



行貽誤城守汎務者將本員叅革提問

駐劄規避

一凡有委員駐劄地方經總督巡撫題准該員仍戀居城邑不卽移駐者該員照規避例議處如該管之地方官聽其規避不行詳報失察之兼轄官並提督總兵各照例分別議處總督巡撫交吏部議處該管官已經詳報而兼轄上司徇隱不卽轉揭者卽照該管官之例議處若該管官及兼轄官已經揭報而督撫提鎮不行題叅者將提督總兵照例議

處例載處分則總督巡撫交吏部覈議揚報

各官俱免議

軍營逃兵加兵大員限三個月彙報一次咨  
部

嘉慶七年四月內奉

上諭吳熊光奏請將軍營脫逃兵丁寬限確查並停止

按月具奏例限一招此次剿辦教匪兵丁等逐日奔  
馳多有疲病或沿途落後寄居祠寨或猝遇賊匪致  
被傷害統兵大員必須輾轉差查方能得其確實若  
按限每月報部一次則無論是逃與否均須一律叅  
緝迨至查係病故被戕或該兵丁等自行尋投到營

又須紛紛咨部免議徒增煩擾且限期過迫轉恐易  
啟弊端或其中有本非脫逃誤行呈報或實係在逃  
假託病傷留後等情必須查實報部方無屈抑倖免  
之弊並恐帶兵之員慮及誤罹叅處將落後疲病之  
兵概不呈報轉得虛領錢糧更滋浮冒嗣後軍營逃  
兵著展限三個月報部一次以歸覈實該部知道摺  
併發欽此

軍營兵丁受傷患病落後領兵官員免議

嘉慶七年十一月內奉

上諭向來軍營帶兵人員於所轄官兵有脫逃情事處  
以秦重此次剿辦教匪將屆七年官兵跋涉險阻晝  
夜奔馳異常辛苦此內私自潛逃者固所不免但亦  
有因受傷患病不能隨隊行走以致中途落後或傷  
病身故遇賊戕害等情皆不可知並有該管之員派  
兵尋覓而尋覓之兵又因他故久無下落此與實在  
潛逃者其情迥異若因糧缺虛懸無著卽以脫逃具

報輒將該管之員照失察逃兵例一律懲治則呈議者多未免漫無區別現在大功將蒞各路官兵均次第凱旋著額勒登保等查明各營內無著兵丁或實係攜帶物件私自潛逃衆證確鑿或拏獲之後審訊明確無可支飾者自應將該逃兵照例辦理其專兼管轄之官弁等亦屬咎無可寬均仍交部查議加該兵丁等實係落後有因不及歸伍查無有心脫逃情節均可毋庸深究其該管各員應得失察處分均著加恩寬免其虛懸名糧卽一面先行募補以實兵





軍營兵丁脫逃

綠營兵丁派往軍營如有脫逃情事該管官卽行申報統兵大臣飭營查拏統兵大臣據報覆覈明確卽開明逃兵年貌行文原籍原營并移咨附近省分轉行各省督撫自奉文之日起一體按限嚴緝仍將逃兵名數月日及該管官職名每三個月彙奏一次交部覈議若兵丁逃走於三月以內拏獲者免議逾限不獲專管兼轄等官按其名數分別覈議

如本日脫逃不卽呈報遲至兩三日後始報  
或已逃走數日捏報本日脫逃或隱匿不報  
者各照例議處其軍營一帶卡倫失察偷越  
者專管兼轄各官亦按其名數分別議處  
處分則例如具奏後續有自行率獲計其報  
緝逃門逃之日在三月以外者仍各按數酌減議處  
以上應議處分任內無加級紀錄可抵者均  
照例註冊留營戴罪効力俟凱旋後量其功  
績大小分別開復如能續立功績交部議敘

者准統轄大臣於請敘案內聲明將該員所得功加加級紀錄隨時咨部議給其革職留營者果能奮勉出衆著有超等功績亦准統轄大臣專摺具奏聲請開復再立功績卽准議敘陞擢

一軍營報逃兵丁如實係攜帶物件私自潛逃衆證確鑿或拏獲之後訊明無可支飾者帶兵各官仍照定例議處外其中或有因傷落後或係中途被害是否有心脫逃無從查明

情節者該軍營大臣將帶兵各官職名開列存案俟逃兵拏獲或自行投首審有確據該督撫聲明情節報部再行分別覈辦

一派往軍營兵丁脫逃原籍原營該管武職以軍營咨到之日起勒限緝拏其初限再限期滿不獲之專管兼轄統轄各官按計名數分別覈議至承緝官未經限滿離任接緝官勒限緝拏限滿不獲照例議處提督總兵於接到文移之日起扣限督緝初限再限均統計

所屬獲不及半者分別覈議處分限期俱詳載處分則例緝

逃門

一派往軍營兵丁脫逃如有確據實係脫逃者仍照定例按名議處外其是否有心脫逃現在無從查明情節者原營承督緝各官初限再限均照本例減一等議處至承緝官未經限滿離任接緝官勒限緝拏限滿不獲亦照本例減等議處處分限期俱詳載處分則例緝逃門俟該兵拏獲及投首之日審明係有意脫逃者仍照原

例補議其實係因病受傷落後不及歸伍並  
非有心脫逃者原議減等處分准其一併查  
銷

一軍營逃兵拏獲之日訊明該逃兵曾回原籍  
原營該管武職未經查拏者專管兼轄統轄  
各官及提督總兵均照例議處

例載處分則  
例緝逃門

一隨征餘丁脫逃將軍營帶兵之該管各官及  
原營該管各官均照額兵脫逃之例酌減議  
處

軍營漏報逃兵

一軍營兵丁脫逃統兵大臣將逃兵名數限三個月彙咨一次並將帶兵該管各官職名報部覈議統兵大臣免其處分若脫逃後統兵大臣並不彙咨報部僅止行文各處緝拏經原營將承緝職名咨叅送部或有別省地方將逃兵拏獲報部者除將帶兵該管各官照逃兵本例議處外其遺漏不報之統兵大臣

按其逃兵名數分別議處

例載處分則  
例緝逃門

軍營逃兵潛匿地方

一武職各官拏獲軍營逃兵每名紀錄二次如經過地方失於查察者將專汛官照例議處如在境潛住未能查拏者將專汛同城兼轄及不同城兼轄官照例分別年月議處若明知伊係逃兵隱匿不報者將專汛同城兼轄及不同城兼轄官照例分別公私議處

則例緝

逃門

例載處分



營兵私逃

一營兵私逃限百日內拏獲免其叅處如逾限不能拏獲事管兼轄各官照例議處若該管官苦累兵丁以致兵丁逃走者將該管官及失察之兼轄統轄官照例分別公私覈議例載處分則例如該管員弁規避處分捏報玩法緝逃門革伍或久假辭退者照所規避之處分加等議處巡捕營兵丁脫逃亦照此例辦理

擅帶營兵

一武職官員陞任別省止准將原隨親丁帶往

其營內經制之兵不許帶往新任若將經制

兵帶往新任者按其名數照例分別議處

例載

處分則例

儀式門

火器火藥嚴禁租賃

乾隆五十一年七月內奉

諭前據孫士毅奏拏獲外洋行劫盜匪譚華瑞等究  
出外委兵丁有將火器火藥租賃與盜犯行使之事  
已明降諭旨從重究擬並將該管員弁及署副將王  
延春革職提督寶瓚交部嚴加議處矣本日寶瓚具  
摺檢舉先將認真緝匪及此案上緊購線躡緝拏正  
賊正賊務獲等虛文作為由伊訪出者然累累聲敘  
希圖文飾其意甚屬取巧提督為專閫大員該管兵

弁平日不能緝匪安良轉將火器火藥租賣與盜犯  
行使此與藉寇兵而齎盜糧何異其漫無覺察咎實  
難辭卽如汀州鎮武隆阿廢弛營伍爲雅德叅奏任  
承恩係該提督汀州鎮是其所轄如果平日玩愒有  
心貽誤自應照部議革職但此事係雅德因未曾叅  
奏富勒渾反代爲具保以此事爲救過見長起見並  
非實心整飭營伍是以將任承恩從寬留任竇瑣既  
矢察於前又復飾詞取巧於後難膺專閫之任何  
更俟部議所有廣東提督員缺著高倬補授其

越鎮員缺係屬沿邊緊要著孫起蛟調補所遺  
任鎮總兵員缺係屬地事務較簡著知照以寶璜  
補仍帶革職留任八年滿後方准開復欽此

失察兵丁偷賣火藥器械

一營中火藥器械存貯庫局營兵有偷漏私賣等事經別處察獲者該管官將該營各員分別知情失察並失察之總兵提督各照例議處

例載處分則  
軍器門

自行查出究辦者均免議

副將以下等官接任交代軍器

一各直省副將叅將遊擊都司守備千總等官  
接任交代時將營中庫貯一切軍裝礮械救  
火器具并城門堆撥墩汛等處排列各項軍  
械名就本管之處查明交代陝西甘肅二省  
督撫提鎮標下中營俱限四十日交代明白  
雲南督標提標臨元等六鎮以及貴州提標  
安義等四鎮俱限五十日交代明白其餘各  
標協營并江蘇安徽江西山東直隸山西河

南浙江福建四川湖南湖北廣東廣西等十  
四省俱限一個月內交代明白離任官員取  
新任官查收清楚回文方許起程接任官員  
如已經交盤並無缺少造冊出結聲明到任  
交盤清楚各日期通報總督巡撫提督總兵  
專案造冊報部如交盤之時舊官推卸玩延  
新官勒措隱匿以及交代遲延均照交代錢  
糧盜案例分別議處例載處分則如軍械有  
例限期門缺額殘損者照軍器缺額及修整軍械例分



例議處賠補

例議處分別  
例軍器

各省礮位收貯不慎

一各直省標營庫貯立限修製各項礮位均應  
建置礮車謹慎蓋藏安置高燥處所各按應  
演日期操演其安設各城門及各海口礮臺  
等處礮位必須洗演潔淨方可經久應於每  
年霜降之前用火藥洗演一次如有收貯不  
慎及未經洗演以致起銹漸蝕者將該管官

照例議處

例載處分則  
創軍器門

軍器缺額

各營軍器以都司守備爲東管官副將叅將  
遊擊爲兼管官其營中軍火甲械有無故缺  
額者經總督巡撫提督總兵題叅將專管兼  
管各官議處照數分賠如兼管官查出揭報  
將專管官議處獨賠俱限六個月賠完如逾  
限不完將專管兼管照例議處仍令按數賠  
補俟賠完之日開復其兵丁缺少該管官  
行查出揭報追補足額者免議如兼管官病

故著落專管官獨賠專管官病故著落兼管  
官獨賠儻專兼各官俱各病故著落從前未  
經查出之專兼各官賠補其缺少軍器如果  
係歷久朽壞出師缺損因公動用者准其報  
明兵部動用公費銀兩按數製補免其議處  
儻有藉端派累營中弁兵製備者照因公科  
歛例按其首從分別議處

例載處分則  
例軍器門

綠營委員盤查軍器

一直省各營軍裝器械屬總督巡撫所轄者總督巡撫於十月內委員盤查屬提督所轄者提督於十月內委員盤查皆取本營並無缺少印結及委員並無担飾甘結存案每年均於封印前保題一次其各鎮總兵歸總督巡撫提督統轄者亦於十月內委員盤查取具該管及委員印甘各結總兵加具保結詳送總督巡撫提督查覈由該總督巡撫提督俱

於封印前保題一次其不歸總督提督統轄者該總兵於十月內委員盤查亦於封印前自行保題一次將守禦救火器具數目原製原修年分分晰各標營造冊并保結送部查覈如任意遲逾卽照造冊遲延例議處

例載處分

則例限

其每年十月以後有收支軍械卽造

期門入下年題報冊內送部若委盤保題之後仍有缺少別經發覺者將從前委查之員并提督總兵均照例分別議處總督巡撫交吏部

議議僮委員明知缺少扶同捏結報稱並無  
缺少者將缺少本員及委驗之員照例議處  
例載處分別  
例軍器門

各省戰哨船隻

一各省水師戰哨船隻照陸營軍火器械之例  
該總督巡撫提督總兵委員點驗於歲底保  
題一次如有滲漏損失卽行指叅照缺少軍  
器例賠補專管兼管各官仍照例分別議處  
例載處分則  
例軍器門



各省存貯火藥缺額霉黥

一各省營伍酌量每年應用火藥之數潮濕脫  
方豫備三年高燥地方豫備五年每年需用  
火藥卽於收貯火藥內動支仍逐年照動支  
數目成造貯庫出陳易新按年造冊報部其  
存貯火藥如遇陞遷離任俱照倉庫錢糧例  
交代若缺額霉黥不堪應用者看守官并符  
管上司均照例分別議處

例載處分則  
其存  
例軍器門

貯火藥令看守官賠補

巡捕五營操演鳥鎗

一巡捕五營操演鳥鎗八百桿除封印一月不計外每月操演二十日自四月十六日起至七月十五日止每月操演十日每日每桿各演五出每出用火藥三錢烘藥三釐火繩一寸由工部支領

各省鳥鎗弓箭兵丁操演中靶不及分數處  
分

一腹內省分每兵一千名設立鳥鎗三百桿沿  
邊沿海省分每兵一千名設立鳥鎗四百桿  
俱照京城健銳火器二營連環鳥鎗法式一  
體演習務令純熟其操演分數每兵十名打  
靶三十鎗中二十鎗以上者列爲一等官弁  
記功兵丁獎賞中靶十五鎗以上者列爲二  
等中靶十鎗以上者列爲三等均毋庸記子

功過不及十鎗者將管操千總把總并兼轄  
將備均照例分別議處儻不肖之員並不實  
心訓練令該總督巡撫時加詳察據實叅奏  
將該營員弁照廢弛營伍例議處

例載處分  
則例營伍

門

一直省綠營操演弓箭每兵以五箭爲率能中  
靶三枝以上者爲一等量予獎賞中靶二枝  
者爲合式其該管將弁統計所屬每兵十名  
中靶合式七名以上者記功六名者毋庸記

予功過僅止五名而內有二三名列爲一等者亦准其功過相抵如合式只能及半並無堪列一等暨不及五名者將該管官并照操演鳥鎗不及分數之例分別議處

例載處分則例營伍

門

兵丁中靶不及分數總兵自行查出免議

乾隆四十四年二月內奉

旨校覈烏鎗兵丁中靶不及分數之案若由總督提督查叅者該管總兵自應照例議處此案係烏大經自行較閱據實具奏并自請交部其誠實尚屬可嘉並無可罪之處若亦予以處分則此後誰肯據實直陳甚或捏飾倖免不又歸於有名無實耶烏大經毋庸議處嗣後有似此自行查奏者俱著照此案辦理餘依議欽此

各省演習雲梯

嘉慶元年三月內奉

上諭昨據畢沅奏賊匪屯聚陽城內現用礮轟擊等語此等么騰烏合各路大兵雲集自早已悉數殲除但以礮轟城虛糜火藥與磚石爲敵實爲拙計業經降旨訓飭因思健銳營向設有雲梯一項專挑兵丁習演最爲趨捷卽如目下荊州剿捕賊匪若該處滿兵習用雲梯豈不易於蕺事何至用礮攻擊致耽時日嗣後外省有駐防滿兵處所該將軍等亦當效法

挑選數百名演習雲梯而綠營中兵數較多每省督撫提鎮標下亦可酌挑一二千名使之隨時演習俾臻精熟兵可百年不用不可一日無備所謂凡事豫則立但不可有名無實耳將此各諭令知之欽此



各省兵丁兼習長矛額數

嘉慶十一年十二月內奉

上諭德楞泰等奏酌議陝甘各標營於弓箭兵內挑十分之二兼令習矛製造丈尺有定不得過長等語一摺營伍軍器以弓箭鳥鎗爲重必當操演精熟以昭武備至長矛一項祇係挑刀簾牌等雜技中之一前因河北鎮總兵蔡鼎奏請於弓箭兵丁內酌派十分之二兼習長矛會諭令各省營制酌定額兵演習因思長矛究非營伍緊要技藝兵丁於練習弓箭鳥鎗

外兼習其技以資擊刺原無不可若因練習長矛於  
弓箭鳥鎗轉致生疎殊屬輕重失宜非所以飭戎器  
而講武藝也且矛桿過長於運用不靈尤不足資擊  
刺若云深林密箐長矛較爲便利則更無此理嗣後  
各省營制訓練卒伍總當以操練弓箭鳥鎗爲正技  
長矛祇可令其兼習並著於額兵內祇酌定十分之  
一不許過額其制造矛桿不得過一丈如有違式製  
用者經該管大員查出卽嚴行懲治並將該將領一  
併參處將此通諭知之欽此

官兵箭枝數目

一官員兵丁箭數總督巡撫提督總兵四百枝  
副將三百五十枝叅將遊擊二百五十枝都  
司二百枝守備一百五十枝千總把總一百  
枝外委七十枝馬兵四十枝步兵三十枝一  
體自行備造年底造入軍器冊內盤查保題

各省兵冊分晰造報

一各省每年造報兵冊將實在正額馬步守兵  
爲一冊其屯防移駐各兵另爲一冊分晰造  
報毋致牽混

屯田兵丁裁撥操演

嘉慶四年十月內奉

上諭據興奎奏請將烏魯木齊三營庫爾喀喇烏蘇精  
河二營屯田兵丁酌量裁撥操演等語凡兵丁操演  
技藝是其首務卽云屯田技藝亦不宜久廢今興奎  
以該三處倉貯糧石均有餘積每年仍用多人屯種  
收穫糧石交倉陳陳相因徒致朽腐莫如徹出令其  
操演技藝著照興奎所奏將烏魯木齊中左右三營  
屯田之八百六十六名每營留五百名屯種庫爾喀

喇烏蘇屯田之二百四十名精河屯田之一百二十  
名每營留一半屯種其餘均令撤回交該大臣等留  
心操演斷不可草率有名無實欽此

閩省操演兵丁

道光二年二月內奉

上諭顏檢奏遵議訓練章程一摺各省設兵衛民因  
地定額無論防汛出差均宜詳籌折衝之責閩省  
綠營兵丁向以三成之一專司訓練其餘二成並  
不演習技藝殊乖承平講武之意嗣後著將撥防  
塘汛兵丁責成該管汛弁按日操防由將領隨時  
調閱其看守城垣倉庫監獄及護餉解犯各兵五  
日一班輪流換同歸伍一體分日輪操俾技藝嫻

熟悉成勁旅其所議酌減停操日期並教督募補  
各章程閩省各營均著照此辦理欽此